

解印綬去作詩曰拋離火宅三千口屏去門兵百萬家遂改名
玄英號海蟾子遍遊訪道遇呂帝授以金液還丹之要乃遁蹟
修真得成仙道遊行塵市遠汎秦川陶真太華涵形青城

上竈得度

呂帝初得道自終南鶴嶺回鄉里省墓偶步南郊蒲陰村見一
人坐柳樹下性極通靈知卽行童寄兒後身也祖因曲爲黠化
付成丹服之易其魔相令守爐執炊呼曰郭上竈

曹仙得度

曹仙名景休曹皇后弟彬之孫也恥其弟景植倚勢不法伏罪
遂隱蹟山岩葛巾野服矢志修真一日孚佑帝君同正陽帝君
道藏輯要 聖蹟紀要 三 壁集五
來問曰聞子修養所養何物對曰養道曰道何在曹曰指天曰
天何在曹又指心二師笑曰心卽天天卽道子親見本來矣遂
授以還真祕旨令其修鍊未幾道成二師引之而去

孝感遇仙

鄂州泊南呂仙亭前有棗樹相傳自唐以後未嘗結實一日呂
帝偶憩其下忽有實如瓜太守命小吏採而進吏性至孝親死
無倚帝君教其私啖更從之食畢卽飛去因改名仙棗亭

會邵談易

邵康節先生精於易理一日靜坐忽見風過占之遇兌再占外
卦復遇兌喜曰呂先生至矣兌爲口兩口呂也俄而一道人至叩其